

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA SITINI NA MOJA

29 JUNI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA SITINI NA MOJA – TAREHE 29 JUNI, 2018

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Mwaka ya Mfuko wa Fidia kwa Wafanyakazi (WCF) kwa Mwaka ulioishia tarehe 30 Juni, 2016.

Taarifa ya Mwaka ya Utekelezaji wa Shughuli za Tume ya Usuluhishi na Uamuzi (CMA) kwa Mwaka ulioishia tarehe 30 Juni, 2016.

III. MASWALI:

OFISI YA RAIS (TAMISEMI):

510. MHESHIMIWA PHILIPO AUGUSTINO MULUGO (SONGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali haioni haja ya kuipandisha hadhi Hospitali Teule ambayo inamilikiwa na Kanisa Katoliki Dayosisi ya Mbeya iwe Hospitali Teule ya Wilaya ili Wananchi wa Songwe waweze kupata huduma stahili.

511. MHESHIMIWA BONIPHACE MWITA GETERE (BUNDA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mnamo tarehe 12 Januari, 2018 Jeshi la Polisi lilifanya msako katika Kijiji cha Mekomariro – Bunda, na katika msako huo Wananchi wa eneo hilo waliharibiwa mali zao kama ilivyothibitishwa na Mkuu wa Wilaya ya Bunda na kutangazwa kwenye Vyombo vya Habari yaani Star TV hapo tarehe 15/2/2018:-

Je, ni lini Serikali itafanya tathimini ya kuwalipa fidia Wananchi hao kutokana na uharibifu huo.

WIZARA YA UJENZI, UCHUKUZI NA MAWASILIANO:

512. MHESHIMIWA JESCA DAVID KISHOA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itajenga barabara inayounganisha Mkoa wa Singida na Bandari ya Tanga inayoanzia Kijiji cha Unyankhanya kupitia Makyungu Misughaa - Chemba hadi Tanga ili kuchochea maendeleo ya Mkoa wa Singida.

**513. MHESHIMIWA OMARY TEBWETA MGUMBA
(MOROGORO KUSINI MASHARIKI):-**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Bigwa – Kisaki ni muhimu kiutawala na kiuchumi kwa kuwa inaunganisha Mbuga ya Selou, Mkoa wa Pwani, Lindi na Mtwara:-

- (a) Je, ni lini barabara hiyo itajengwa kwa kiwango cha lami;
- (b) Nyumba za Wakazi zilizopo pembezoni mwa barabara hiyo zimewekwa alama ya X kwa muda mrefu lakini Wananchi hawajalipwa fidia; Je, ni lini Serikali itawalipa fidia Wananchi hao.

**WIZARA YA AFYA, MAENDELEO YA JAMII,
JINSIA, WAZEE NA WATOTO:**

**514. MHESHIMIWA FAKHARIA SHOMAR KHAMIS
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Moja kati ya matatizo makubwa yanayoikabili nchi yetu ni maradhi ya Figo na idadi ya Wagonjwa wa Figo inazidi kuongezeka siku hadi siku:-

(a) Je, Hospitali ya Taifa Muhimbili hupokea Wagonjwa wangapi kwa siku;

(b) Je, Serikali ipo tayari kutoa elimu kwa Umma juu ya chanzo cha ugonjwa huo na namna ya kujikinga.

515. MHESHIMIWA BALOZI ADADI MOHAMED RAJAB (MUHEZA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Taasisi ya Taifa ya Utafiti wa Magonjwa ya Binadamu (NIMR) imekuwa na mpango wa kuanzisha Chuo Kikuu cha Mafunzo yanayohusiana na tafiti hizo maeneo ya Amani Muheza:-

(a) Je, ni lini Serikali itanza kutekeleza azma hiyo;

(b) Kama Serikali haipo tayari, Je, itakuwa tayari kukabidhi majengo yaliyopo Amani – NIMR kwa Halmashauri ya Wilaya ya Muheza.

WIZARA YA MALIASILI NA UTALII:

516. MHESHIMIWA ALFREDINA APOLINARY KAHIGI (VITI MAALUM):

Atamuuliza Mheshimiwa Waziri wa Maliasili na Utalii:- Wananchi wa Bukoba Vijijini wanakabiliwa na tatizo kubwa la Wanyama waharibifu kama vile Ngedere n.k. na Wanyama hao sasa wanavamia Vijiji na kusababisha madhara kwa Wananchi:-

Je, Serikali ina mkakati gani madhubuti wa kuwanusuru Wananchi wa Bukoba Vijijini na balaa la Wanyama hao waharibifu.

517. MHESHIMIWA JOSEPH LEONARD HAULE (MIKUMI):

Atamuuliza Mheshimiwa Waziri wa Maliasili na Utalii:- Kumekuwa na migogoro ya mipaka kati ya Hifadhi na Wananchi kwenye Vijiji vinavyopakana na Hifadhi hizo kama vile Ruhembe, Kitete, Kikwalaza, Mji Mpya, Ihambwe, Mululu na sasa Kitongoji cha Lugawilo Kata ya Uleling'ombe.


Je, ni lini Serikali itaweka mipaka ili Wananchi hao wasiendelee kunyang'anywa ardhi yao kwa kisingizio cha kuwa wameingia kwenye Hifadhi.

WIZARA YA MIFUGO NA UVUVI:

518. MHESHIMIWA FREDY ATUPELE MWAKIBETE (BUSOKELO):

Atamuuliza Mheshimiwa Waziri wa Mifugo na Uvuvi:- Busokelo ni miongoni mwa Halmashauri zinazozalisha maziwa ya Ng'ombe kwa wingi ambapo kwa mwaka inazalisha zaidi ya lita milioni 50:-

Je, Serikali ina mpango gani wa kusaidia kumaliza Kiwanda cha maziwa kinachojengwa Kata ya Isange ili kunusuru maziwa mengi yanayoharibika kwa kukosa soko.



IV. KAULI ZA MAWAZIRI:

WAZIRI WA HABARI, UTAMADUNI, SANAA NA MICHEZO:

V. MISWADA YA SHERIA YA SERIKALI:

(Kusomwa Kwa Mara ya Kwanza)

Muswada wa Sheria ya Kulitangaza Jiji la Dodoma kuwa Makao Makuu ya Nchi wa Mwaka 2018 [*The Dodoma Capital City (Declaration) Bill, 2018*].

Muswada wa Sheria ya Marekebisho ya Sheria Mbalimbali (Na. 2) wa Mwaka 2018 [*The Written Laws (Miscellaneous Amendments) (No. 2) Bill, 2018*].

Muswada wa Sheria ya Marekebisho ya Sheria Mbalimbali (Na. 3) wa Mwaka 2018 [*The Written Laws (Miscellaneous Amendments) (No. 3) Bill, 2018*].

Muswada wa Sheria ya Bodi ya Kitaalam ya Walimu Tanzania wa Mwaka 2018 [*The Teacher's Professional Board Bill, 2018*].

Muswada wa Sheria ya Marekebisho ya Sheria ya Ubia kati ya Sekta ya Umma na Sekta Binafsi wa Mwaka 2018 [*The Public Private Partnership (Amendment) Bill, 2018*].

VI. TAARIFA YA KATIBU WA BUNGE:

VII. HOJA YA KUAHIRISHA BUNGE:

WAZIRI MKUU:

VIII. WIMBO WA TAIFA.

**DODOMA
29 JUNI, 2018**

**S. KAGAIGAI
KATIBU WA BUNGE**